



2012 OBJAVA TEME KAMPANJE

16 DAYS OF ACTIVISM AGAINST GENDER VIOLENCE
16 DÍAS DE ACTIVISMO CONTRA LA VIOLENCIA DE GÉNERO
16 JOURS D'ACTIVISME CONTRE LA VIOLENCE DE GENRE
25 NOV - 10 DEC <http://16dayscwg.rutgers.edu>



Od mira u kući do mira u svijetu: Izazovimo militarizam i zaustavimo nasilje protiv žena!

U 2012. godini, Kampanja 16 Dana aktivizma će se nastaviti sa globalnom temom ***Od mira u kući do mira u svijetu: Izazovimo militarizam i zaustavimo nasilje protiv žena!*** Ovogodišnja Kampanja obilježava treću godinu našeg zalaganja u vezi sa temom povezanosti rodno zasnovanog nasilja i militarizma. Na osnovu povratnih informacija od pojedinaca/ki i organizacija koje učestvuju u Kampanji, Centar za globalno liderstvo žena (CWGL), kao organizacija koja koordinira Kampanju na globalnom nivou, nastavlja da zajedno sa učesnicama/cima Kampanje osporavati militarizam i istraživati duboke socio-ekonomske strukture koje održavaju rodno zasnovano nasilje.

Militarizam nastavlja biti ključni izvor nasilja protiv žena. Kao ideologija koja stvara kulturu straha, militarizam podržava korištenje nasilja, agresije i vojnih intervencija u cilju rješavanja sukoba i nametanja ekonomskih i političkih interesa. **Uticaj militarizma ide duboko, sa materijalnim, institucionalnim, kulturološkim i psihološkim posljedicama na sve naše zajednice.** On privileguje nasilne oblike maskuliniteta i predpostavlja da nasilje predstavlja efikasan način rješavanja problema. **Militarizam često ima ozbiljne posljedice za sigurnost i bezbjednost društva u cjelini, uključujući i žene, djecu i muškarce.** Od seksualnog nasilja u konfliktu do proliferacije igračaka u obliku oružja za djecu, militarizam utiče na načine kako vidimo žene i muškarce, naše porodice, susjede, javni život i specifične zemlje.¹

U 2011.g., globalna ekspertska grupa je identifikovala pet prioriternih područja koja proizilaze iz globalne teme, kako slijedi: (i) političko nasilje protiv žena; (ii) proliferacija malog oružja i njegova uloga u nasilju u porodici; (iii) seksualno nasilje tokom i nakon konflikta; (iv) uloga državnih aktera kao počinitelaca seksualnog i rodno zasnovanog nasilja; i (v) uloge žena, mira i pokreta za ljudska prava u izazivanju veza između militarizma i nasilja protiv žena.

Na osnovu povratnih informacija od učesnica/ka tokom Kampanje u 2011.g.,² ovogodišnja Kampanja 16 Dana aktivizma će naglasiti tri od pet prioriternih područja:

- 1. Nasilje počinjeno od strane državnih aktera:** Vlade i državni akteri koriste nasilje kako bi postigli političke ciljeve, koristeći militarističke ideologije i potrebu za „državnom sigurnošću“ kako bi progurali nasilje i zastrašivanje kao „sigurnosne“ mjere. U okviru militarističke kulture nasilja, pojedinci na pozicijama autoriteta vjeruju da mogu činiti nasilje bez straha od kažnjavanja, što je vidljivo iz visoke stope seksualnog nasilja unutar vojske, policijskih prijetnji ženama koje prijavljuju napade ili nasilje, kontinuirano uznemiravanje i prijetnje, prisilne “testove nevinosti” protiv protestantkinja od strane vladajućih struktura, i nasilje protiv žena koje žive i rade unutar vojnih baza. Braniteljice i branitelji ženskih ljudskih prava koje/i rade na pitanjima vezanim za ekonomska, socijalna i kulturna prava, kao pitanjima u vezi sa građanskim i političkim pravima su takođe mete ovog oblika nasilja. **Ovaj nedostatak odgovornosti države i propuštanje da se počinioci seksualnog i rodno zasnovanog nasilja privedu pravdi ostaje ključni izazov u pravcu zaustavljanja militarizma širom svijeta.**
- 2. Nasilje u porodici i uloga malog oružja:** Nasilje u porodici, kao dugoročan problem koji je u fokusu aktivnosti javnog zalaganja ženskih organizacija, nastavlja biti realnost u svakoj zemlji širom svijeta. Procjenjuje se da je većina žena širom svijeta izložena nasilju od strane intimnog partnera u nekom periodu svog života.³ Ovo nasilje čak postaje opasnije kada je malo oružje (na primjer, pištolji, mačete, i dr.) prisutno u kućama, jer ono može biti iskorišteno u svrhu zastrašivanja, povređivanja i/ili ubijanja žena i djece. **Malo oružje ne samo da omogućava nasilje protiv žena, već takođe i održava nasilne oblike maskuliniteta.** Bez obzira na kontekst (konflikt ili mir), prisustvo pištolja uvijek ima isti efekat: **više pištolja znači više nasilja protiv žena.** Prema tome, ove godine ćemo nastaviti da istražujemo trgovinu i proliferaciju malog oružja i uloge koje imaju u održavanju nasilja protiv žena generalno, i specifično nasilja u porodici. Iako je postignut značajan napredak u obliku pravnih reformi i servisa, mnoge ženske organizacije nastavljaju da rade na ovom urgentnom pitanju.

3. Seksualno nasilje tokom i nakon konflikta: Seksualno nasilje u konteksimu konflikta i post-konflikta se koristi kako bi se osnažile rodne i političke hijerarhije. Ovaj oblik nasilja se koristi kao taktika u cilju provociranja straha, kao i ponižavanja i kažnjavanja žena, njihovih porodica i zajednica. Iako je predhodnih godina veća pažnja usmjerena na ovaj zločin, **seksualno nasilje ostaje ključna prepreka sigurnosti i reintegraciji žena**, jer njegove posljedice fizički, psihološki i socijalno iscrpljuju žene. Nestabilnost i nesigurnost koje donosi oružani konflikt imaju tendenciju da pogoršavaju nasilje protiv žena i čine njegove oblike još ekstremnijim, raširenijim i/ili fatalnim. Čak i nakon što se 'prepoznati' konflikt zaustavi, visoka stopa seksualnog nasilja i dalje može biti nastavljena u domovima i zajednicama u kojima ostaje militarizirano okruženje. **Mnoge ženske organizacije su naglasile vještačku podjelu koja je nastala korištenjem termina kao što su konflikt i post – konflikt, naglašavajući da se militarizirano nasilje protiv žena nastavlja uprkos formalnom prestanku rata.**

Ovogodišnja Kampanja 16 Dana aktivizma pruža mogućnost promišljanja šta mi kao aktivistkinje i aktivisti za ženska ljudska prava možemo učiniti da pozovemo na odgovornost naše vlade i izazovemo strukture koje dozvoljavaju da se rodno zasnovano nasilje nastavlja. Kao i uvijek do sada, CWGL podstiče aktivistkinje i aktiviste da koriste Kampanju 16 Dana aktivizma kako bi se fokusirali na pitanja koja su najrelevantnija u lokalnom kontekstu. Učešće u ovoj Kampanji nam omogućava ne samo da javno zagovaramo i unapređujemo svijest protiv rodno zasnovanog nasilja, već i da podignemo glas zajedno sa ženama, koje takođe odbijaju da čute u drugim zemljama i regijama. Rodno zasnovano nasilje je problem koji utiče na sve nas na višestrukim nivoima. U okviru ovog konteksta, naše vlade imaju odgovornost da reaguju, zaštite i spriječe.

O Kampanji 16 Dana aktivizma

Kampanja 16 Dana aktivizma protiv rodno zasnovanog nasilja je globalna kampanja posvećena zaustavljanju rodno zasnovanog nasilja. Centar za globalno liderstvo žena je organizacija koja koordinira Kampanju na globalnom nivou. Kampanja počinje 25. novembra, Međunarodnog dana za uklanjanje rodno zasnovanog nasilja i završava na 10. decembar, Međunarodni dan ljudskih prava. Ovi datumi su odabrani kako bi se naglasilo da rodno zasnovano nasilje predstavlja kršenje ljudskih prava. Kampanja je uspješna zahvaljujući aktivizmu miliona žena i desetina hiljada organizacija širom svijeta, koje su posvećene zaustavljanju rodno zasnovanog nasilja.⁴

2012 Resursni paket materijala za akciju

CWGL radi na pripremi Resursnog paketa materijala za akciju u 2012.g., koji će sadržavati resurse koji će vam pomoći da organizujete aktivnosti vaše Kampanje 16 Dana aktivizma. Resursni paket će biti dostupan na više jezika počevši od avgusta. Učesnice/ci mogu posjetiti našu web stranicu (<http://16dayscwgl.rutgers.edu>) kako bi skinuli materijale iz Resursnog paketa ili zatražili štampanu kopiju materijala. Ne zaboravite da dodate vaše planirane aktivnosti u okviru Kampanje u naš online Kalendar! Hvala vam!

Kako da ostanete u toku i naučite više

- Zvanična web stranica Kampanje 16 dana: <http://16dayscwgl.rutgers.edu>
- Dodajte i potražite događaje u online Kalendaru Kampanje: <http://16dayscwgl.rutgers.edu/campaign-calendar>
- Uključite se na e-mail listu Kampanje 16 Dana: https://email.rutgers.edu/mailman/listinfo/16days_discussion
- Fejsbuk stranica: <http://www.facebook.com/16DaysCampaign>
- Flickr: <http://www.flickr.com/photos/16dayscampaign>
- Twitter: https://twitter.com/#!/CWGL_Rutgers
- Twitter tag Kampanje 16 dana: #16days
- YouTube: <http://www.youtube.com/user/CWGLRutgers>
- Pošaljite nam e-mail u bilo koje doba: 16days@cwgl.rutgers.edu

Translation provided by Aleksandra Petrić, United Women Banja Luka, BiH
<http://www.unitedwomenbl.org>

¹ Centar za globalno liderstvo žena. 2011. "Izveštaj sa sastanka - Povezanost nasilja protiv žena i militarizma." <http://www.cwgl.rutgers.edu/resources/publications/gender-based-violence/388-intersections-of-violence-against-women-and-militarism-meeting-report-2011>.

² Centar za globalno liderstvo žena. 2012. "16 Dana aktivizma protiv rodno zasnovanog nasilja: analitički sažetak." <http://16dayscwgl.rutgers.edu/previous-years/2011/16-days-analytical-summary-2011>.

³ Svjetska zdravstvena organizacija. 2005. "WHO Studija provedena u više zemalja o ženskom zdravlju i nasilju u porodici protiv žena: inicijalni rezultati o raširenosti, posljedicama po zdravlje i odgovorima žena." http://www.who.int/gender/violence/who_multicountry_study.

⁴ Centar za globalno liderstvo žena. 2012. "16 Dana aktivizma protiv rodno zasnovanog nasilja: analitički sažetak." <http://16dayscwgl.rutgers.edu/previous-years/2011/16-days-analytical-summary-2011>.